

**ՊԱՂԵՍՏԻՆԻ ՀԱՐՑԸ ԳՅԶ-Ի ՄԵՐՁԱՎՈՐԱՐԵՎԵԼՅԱՆ
ՔԱՂԱՔԱԿԱՆՈՒԹՅՈՒՆՈՒՄ**

Մերձավոր արևելքում ԳՅԶ-ի ազդեցության ուժեղացումն ու շրջանի երկրներում նրա տնտեսական էքսպանսիայի շափերի մեծացումը արդյունք էին արևմտագերմտնական մի շարք կառավարությունների 70-ական թթ. և 80-ական թթ. սկզբին մերձավորարևելյան «հավասարակշռված» քաղաքականության: Ընթանալով զարգացող երկրների նկատմամբ՝ իմպերիալիստական տերությունների ընդհանուր քաղաքականության հունով, ջանալով խանգարել հեղափոխական պրոցեսների զարգացումն ու նրանց պահել կապիտալիզմի ուղեծրում, ԳՅԶ-ը արաբական, հատկապես նավթարդյունահանող երկրների հետ փոխհարաբերությունների ավելի ճկուն մեթոդների ու ձևերի տևական որոնումների մեջ էր, որը երբեմն, թեկուզ և ձևականորեն, կարծես թե հակասում էր իր գլխավոր դաշնակցի՝ Միացյալ Նահանգների շահերին:

Ժամանակակից փուլում ԳՅԶ-ի արաբական քաղաքականության մեջ կարևոր տեղ է գրավում մերձավորարևելյան ընդհարման կարևորագույն հարցերից մեկը՝ պաղեստինյանը: Եվ հենց պաղեստինյան հարցի նկատմամբ ֆեդերալ կառավարության դիրքորոշման հայելում էլ անհրաժեշտ է դիտել ինչպես մերձավորարևելյան կոնֆլիկտի նկատմամբ ԳՅԶ-ի դիրքորոշման էվոլյուցիան, այնպես էլ ընդհանրապես նրա մերձավորարևելյան քաղաքականությունը: Արևմտյան Գերմանիայի կառավարության առաջ ժամանակակից փուլում հանապազօր կանգնում է մերձավորարևելյան համապարփակ կարգավորման շրջանակներում պաղեստինյան հարցի լուծման ուղիները հստակորեն ձևակերպելու խնդիրը: Ներկայումս գործնականում ԳՅԶ-ի քաղաքական բոլոր ուժերի կողմից գիտակցվում է այդպիսի կապը:

Սովետական պատմաբան է. Դմիտրիևը դիտել է տվել, որ պաղեստինցի արաբների որպես պաղեստինյան ժողովուրդ համախոսմբր պատմական մի գործընթաց է, որի վկաները մենք ենք՝ և այդ պրոցեսի հետ մեկտեղ երկու տասնամյակ է, որ շարունակ հարկ է լինում հիմնավորել պաղեստինյան ժողովրդի ինքնորոշման, ընդհուպ սևփական պետականություն ստեղծելու իրավունքը²։ Այժմ Խորայելից բացի ոչ ոք չի համարձակվում բացահայտորեն հերքել պաղեստինյան ժողովրդի այդ իրավունքը։ Ձևականորեն այժմ այդ իրավունքի գործադրման օգտին է հանդես գալիս նաև ԳՖՇ-ի կառավարությունը։

Սակայն «պաղեստինյան հարցը» որպես այդպիսին, ԳՖՇ-ի ուշադրությունը գրավեց լոկ 70-ական թթ.։ Մինչ այդ, հետևելով ՄԱԿ-ի Անվտանգության խորհրդի 1967 թ. նոյեմբերի 22-ի բանաձևին, Բոննում խոսում էին սոսկ «գաղթականների հարցի»՝ կարգավորման անհրաժեշտության մասին և ընդգծում, որ պաղեստինցի գաղթականների խնդիրը մերձավորարևելյան կոնֆլիկտի առանձնապես ողբերգական շերտն է։ Ինչպես հետագայում կանցլեր Վ. Բրանգտը նկատեց, այդ ձևակերպման մեջ առաջին հերթին շեշտվում էր հարցի մարդկային կողմը և ԳՖՇ-ը ակտիվորեն մասնակցում էր գաղթականներին օգնություն ցույց տալու ՄԱԿ-ի հատուկ ծրագրերին՝ 1967 թ. տրամադրելով 50 միլիոն մարկ³։ Պաղեստինյան հարցի վերաբերյալ առաջին ու բնութագրական հայտարարություններից մեկը 1972 թ. մայիսին արտաքին գործերի մինիստր Վ. Շեելի ելույթն էր, որում նշվում էր, որ մերձավորարևելյան կոնֆլիկտի կարգավորումը «անհնարին է թվում առանց պաղեստինյան հարցի արդարացի լուծման»⁴, այլ խոսքով՝ Պաղեստինի հարցն արդեն չէր տարանջատվում մերձավորարևելյան կարգավորման մյուս խնդիրներից, ինչպես նախկինում։ Պաղեստինի հարցում ֆեդերալ կառավարության դիրքն ավելի հստակ ձևակերպմամբ սահմանվեց 1973 թ. հոկտեմբերյան պատերազմից հետո, երբ նավթարդյունահանող արաբական երկրների նավթային բոյկոտի սպառնալիքը, անկասկած նաև ԱՄՆ-ի պրոիսրայելյան կուրսն անվերապահորեն աջակցելու հարցում չկամությունը, հանգեցրին այն բանին, որ ԳՖՇ-ը կողմ քվեարկեց Եվրոպական տնտեսական միության (ԵՏՄ) 1973 թ. նոյեմբերի 6-ի հայտնի հայտարարությանը։ Այդ հայտարարության մեջ նշվում էր, որ Մերձավոր արևելքում խաղաղություն հաստատելիս «անհրաժեշտ պիտի լինի հաշվի առնել պաղեստինցիների օրինական իրավունքները» և ոչ թե լոկ «ուշադրության առնել գաղթականների հարցը» ինչպես Անվտանգության խորհրդի № 242 բանաձևում

էր: Այդ հայտարարութիւնը հետագայում հիմնարար դարձավ պաղեստինյան հարցին ԳՅՀ-ի մոտեցման համար և երբեմնակի, այս կամ այն շահով, լրացվեց ու մեկնաբանվեց պաշտոնական անձերի կողմից:

1974 թ. ապրիլին կանցլեր Բբանդտն արդեն հիշեցնում էր այն մասին, որ «պաղեստինցիների կյանքը, իրավունքն ու ապագան» կայուն և արդարացի խաղաղության անբաժան տարրերն են, ոչ թե երկրաշրջանում ճգնաժամի քաղաքական կարգավորման մի մասը, Պաղեստինի հարցը «մարդկային» խնդրից վերաճեց «քաղաքական» հարցի: Ֆեդերալ կառավարութիւնը դա կապակցեց «այն մարզերի քաղաքական կառուցվածքի» հարցի հետ, որտեղ ապրում են պաղեստինցիները և կամ «որտեղ վերադառնալու են», այլ խոսքով՝ Հորդանան դեռի արևմտյան ափի և Ղազալի գոտու քաղաքական վարչակառույցի խնդրի հետ: Իրա հետ մեկտեղ ԳՅՀ-ի կառավարութիւնը խուսափեց աջակցել պաղեստինյան սեփական պետութիւն ստեղծելու «կարծիքին» գտնելով, որ դա կնշանակեր «իրադարձութիւնների կանխում» մինչդեռ ԳՅՀ-ին «անհրաժեշտ է հաշվի առնել այդ ուղղութիւնով անմիջականորեն մասնակից կողմերի նախաձեռնութիւնները»⁶:

Պաղեստինի հարցը ԳՅՀ-ի դիվանագիտութիւնն սկսեց հարաճուն հոդս պատճառել Ռաբատի համաադաբական հայտնի վեհաժողովից հետո, որի 1974 թ. հոկտեմբերի 28-ի բանաձևում Պաղեստինի ազատագրութիւն կազմակերպութիւնը (ՊԱԿ) ճանաչվում էր Պաղեստինի արաբ ժողովրդի օրինական միակ ներկայացուցիչ և այդ հիմամբ էլ ՊԱԿ-ի ղեկավար Յ. Արաֆաթին հնարավորութիւն էր տրվում հանդես գալ ՄԱԿ-ում: Իսրայելական պատմաբան Ա. Նոյշտադը գտնում է, որ հենց 1974 թվից ԳՅՀ-ը ավելի շատ հակված է արաբական համառ խնդրանքները՝ հատկապես պաղեստինյան հարցը արաբների հայեցակետով լուծելու ուղղութիւնով»⁷: «Շպիգել» հանդեսի իր հարցազրույցի մեջ Յ. Արաֆաթը նշում էր, որ ԳՅՀ-ը ՄԱԿ-ի 19-րդ ընդհանուր ժողովում (1974 թ.) պետք է հանդես գա այն բանի օգտին, որ պաղեստինցիների հարցն առաջիկայում դիտվի որպես ոչ թե գաղթականների հարց, այլ որպես իր ճակատագրի համար պայքարող ժողովրդի ձգտում: «Մենք՝ պաղեստինցիներս,—ասում էր նա,—հուսով ենք, որ ֆեդերալ կառավարութիւնը ծայրահեղ դեպքում չեզոքութիւն կպահպանի, եթե արդեն իսկ կանգնած չէ պաղեստինյան իրավունքի կողմում»⁸:

1974 թ. նոյեմբերի 19-ին ՄԱԿ-ում Պաղեստինի շուրջը եղած վիճաբանությունների ընթացքում ԳՖՆ-ի ներկայացուցիչ Ֆոն Վելսմարը այն «տպավորությունը թողեց», որ իր երկիրն իբր աջակցում է ՊԱԿ-ի դիրքորոշմանը: Նա հանդես եկավ հօգուտ պաղեստինյան ժողովրդի ինքնորոշման իրավունքի, հօգուտ մերձավորարևելյան ընդհարման կարգավորման շրջանակներում արաբական սեփական պետական իշխանության ստեղծման՝ մի հողատարածքի վրա, որի բռնագրավմանը Իսրայելը պետք է վերջ տա, կամ էլ ընտրի մի այլ լուծում: Եվ սակայն, ԳՖՆ-ի արտաքին գործերի մինիստր Գենշերը Բոննի Բունդեստագում վրձռականորեն սահմանազատվեց այդ ճառից, հայտարարելով, որ այն կանխօրոք չի ընթերցել, թեկուզ և, գտնում է, որ «ՊԱԿ-ը ուշ կամ շուտ բանակցությունների մասնակից է դառնալու»⁹, իսկ 1975 թ. ապրիլի 14-ի մամուլի հայտարարության մեջ, արդեն առանց Իսրայելի հավանական քննադատական վերաբերմունքի նկատմամբ մտավախության, Գենշերը չհրաժարվեց պաղեստինցիների ինքնորոշման իրավունքի վերաբերյալ 1974 թ. ՄԱԿ-ում ԳՖՆ-ի պատվիրակության հայտարարությունից¹⁰:

Այն, որ խաղաղ որևէ կարգավորում չի կարող շրջանցել պաղեստինցիների ճակատագիրը և ԳՖՆ-ն էլ, ինչպես գտնում էր Գենշերը, «պարտավոր է իրապաշտության անհրաժեշտ զգացողություն դրսևորել» հաստատում է նաև ՊԱԿ-ի հետ շփումների հաստատման փաստը: Այսպես, 1974 թ. դեկտեմբերին Բունդեստագի արտաքին գործերի հանձնաժողովի նախագահ Գ. Շրյոդերը (արտաքին գործերի նախկին մինիստր) հանդիպում ունեցավ Յ. Արաֆաթի հետ, ինչին Բոննում իսրայելական ղեսպանությունն ապարդյունորեն լիորձեց խանգարել: Եվ սակայն, դա երբեք էլ չէր նշանակում, որ ԳՖՆ-ը որևէ քայլ էր ձեռնարկում ՊԱԿ-ի ճանաչման ուղղությամբ, ինչը պարզորոշ ու աներկբա շեշտվեց կանցլեր Հ. Շմիդտի կողմից: «Քանի դեռ ՊԱԿ-ը հստակորեն չի ճշտորոշել իր դիրքորոշումը երկու հարցերում, նախ՝ երաշխավորված սահմանների պայմաններում Իսրայելի գոյության իրավունքի և ապա ահաբեկչական քայլերից հրաժարման խնդրում, ապա չի կարելի լրջորեն մտածել ՊԱԿ-ի ճանաչման մասին: Թեկուզ և դա չի նշանակում, որ ԳՖՆ-ը չի հասկանում պաղեստինցիների հուսակալուր վիճակն ու կարիքները: Այնուամենայնիվ դրանք երկու տարբեր բաներ են»¹¹:

Եվ որպեսզի չդժգոհեցնեն ԱՄՆ-ին, որը «խեթ կնայեր ըստ էության ՊԱԿ-ի պաշտոնական ճանաչմանը համազոր որևէ քայլի»¹⁷, ԳՖՁ-ը և ԵՏՄ-ը եվրոպական-արաբական երկխոսության կազմակերպման կապակցությամբ հանդես եկան ՊԱԿ-ին դիտորդի պաշտոնական ստատուս տալու դեմ, Արաբական պետությունների լիգային առաջարկելով բանակցությունների ընթացքում փաստաթղթերում ջնջել պատվիրակների ազգությունը:

Ճանաչելով պաղեստինյան ժողովրդի ինքնորոշման իրավունքը, ԳՖՁ-ը ՊԱԿ-ին կոչ արեց Իսրայելին և դրանով վերացնել «այդ ճանապարհին կանգնած հոգեբանական և քաղաքական դժվարությունների» խոլընդոտը: «Խաղաղության ճանապարհին այլընտրանք չկա և երբ այդ հարցը լուծվի, այն ժամանակ էլ երրորդ պետությունների կողմից ՊԱԿ-ի ճանաչումը կդադարի հարց լինելուց»¹⁸: Բոննի պաշտոնական անձինք գտնում էին, որ պաղեստինցիների իրավունքի և Իսրայելի իրավունքի միջև առկա է նեղքին հստակ փոխկախվածություն, երկուսն էլ պետք է ուշադրության առնվեն: ՊԱԿ-ը և Իսրայելը պետք է մեկը մյուսին ընդառաջ դնան, դեն գցելով մեկ կամ մյուս կողմի «պատմական լավագույն իրավունքի վերաբերյալ» ամեն մի միտք¹⁹: ՊԱԿ-ի և պաղեստինցիների նկատմամբ ԳՖՁ-ի այդ վերաբերմունքը, նրանց՝ որպես ժողովրդի, արդարացի իրավունքի համահավասարեցումը այն պետության իրավունքին, որը ոտնատակ է տվել այդ ժողովրդի ինքնորոշման իրավունքը, Թեյ-Ավիվում խիստ քննադատություն և դժգոհություն առաջ բերեց²⁰: ԳՖՁ-ի և Իսրայելի միջև պաղեստինյան հարցի շուրջը քաղաքական տարաձայնությունն ավելի ու ավելի սրվեց: ԳՖՁ-ը, ճանաչելով պաղեստինցիների պետականություն ունենալու իրավունքը, «իսբախելցիներին քաղաքականորեն գցեց ճակատագրի քմայքին», — հայտարարում էին Իսրայելում: Բոննում Արաբական պետությունների լիգայի ներկայացուցիչների և ԳՖՁ-ում ՊԱԿ-ի գրասենյակի վարիչ Ա. Ֆրանշի՝ արևմտագերմանական պետական գործիչների հետ ակտիվ շփումներին, ԳՖՁ-ի պարբերական մամուլում և հեռուստատեսությամբ Յ. Արաֆաթի ելույթներին ի պատասխան Իսրայելը ֆեդերալ կառավարությանը կոչ արեց որպես «մարդասպանների օրգան» Բոննում փակել ՊԱԿ-ի գրասենյակը²¹: Սակայն այդ կոչն անպատասխան մնաց, և ՊԱԿ-ի նկատմամբ Բոննի պաշտոնական դիրքորոշումը չփոխվեց:

Պաղեստինի չարացում ԳՖՁ-ի դիրքի ճշտման մեջ որոշ նորերանգներն ի հայտ եկան 1977 թ. ՄԱԿ-ի գլխավոր ասամբլեայում: Հ. Գ. Գենշերը ՄԱԿ-ի ամբիոնից հայտարարեց, որ պաղեստինցիների ինքնորոշման իրավունքի ներքո ԳՖՁ-ը հասկանում է ձեր ազգային ինքնությունը արգելանավետորեն արտահայտելու իրավունքը՝ ճշայրենիքի անհրաժեշտությունը: Եվ ելնելով դրանից, միևնույնիսկ ելույթում պարզաբանվում էր. ֆեդերալ կառավարությունը դեմ է բռնազրաված արաբական տարածքներում իսրայելական բնակավայրերի հիմնադրմանը¹⁷:

1979 թ. մարտին «Եգիպտոսի և իսրայելի միջև խաղաղության պայմանագրի» կնքմամբ ավարտված քննադեղիցյան բանակցությունները բաց պահեցին պաղեստինյան ժողովրդի հարցը: ԳՖՁ-ը հիմնականում հավանություն տվեց Քեմպ-դևիդյան համաձայնագրի արդյունքին, սակայն արաբական երկրներում իր դիրքերն ամրապնդելու նպատակով հանդես եկավ հօգուտ պաղեստինցիների պետական ինքնուրույնության իրավունքի, ընդունելով, որ Մերձավոր արևելքում համապարփակ խաղաղության բանալին պաղեստինյան հարցի լուծումն է, որը ներառում է Հորդանանի արևմտյան ափի ու Գազայի գոտու ապագայի և ինքնորոշման իրավունքի հարցերը¹⁸: Իսկ ԵՏՄ-ի 1979 թ. մարտի 26-ի հայտարարության մեջ էլ նշվեց, ցանկալի է, որ Քեմպ-դևիդյան պայմանագիրը հաշվի առնի «Պաղեստինյան ժողովրդի ներկայացուցիչներին, որոնք պետք է մասնակցեն բանակցություններին»¹⁹: Գենշերը 1979 թ. սեպտեմբերի 3-ին որոշակիորեն ասաց նաև, թե ԳՖՁ-ի կարծիքով մերձավորարևելյան կարգավորման վերաբերյալ բանակցություններում ովքեր պետք է ներկայացնեն պաղեստինցիներին. հենց իրենց՝ պաղեստինցիներին է պատկանում իրավունքը որոշելու, թե ո՞վ պետք է ներկայացնի իրենց և թե ուրիշ ոչ ոք չի կարող հավակնել այդ իրավունքին²⁰: Իսկ հվրոպական խորհրդի 1980 թ. հունիսի 13-ի հայտարարության մեջ, որից 80-ական թթ. սկզբին ձևականորեն կառույց էր ԳՖՁ-ը, արդեն ավելի որոշակիորեն շեղվում էր, որ բանակցություններին պետք է մասնակցեն «պաղեստինյան ժողովուրդն ու ՊԱԿ-ը»²¹:

70-ական թթ. վերջին թվում էր, որ ԳՖՁ-ը ուր որ է ճանաչելու է ՊԱԿ-ին: ԳՖՁ-ի կառավարող շրջանների երևելի ներկայացուցիչներից մեկը, Բոմդեստագում Ազատ դեմոկրատական կուսակցության (ԱԴԿ) ղեկավարատ Յու. Մելլեմանն իր կուսակցության համագումարում նշեց,

որ Իսրայելը «պարտավոր է» ճանաչել պաղեստինցիների ինքնորոշման հավակնություններն ու նրանց կազմակերպությունը՝ ՊԱԿ-ը, որի հետ և պետք է բանակցություններ ձեռնարկի: ՊԱԿ-ն, իր հերթին, պետք է վերջ տա ահաբեկչական գործողություններին և ճանաչի Իսրայելին²²:

Քննադատելով ԳՖՆ-ի մերձավորարևելյան քաղաքականությունը, շարինգերյան «Դի վերջ» հեղինակը վերում էր, որ նկատվում է «ագրեսիվ կազմակերպության առաջնորդի, ՊԱԿ-ի ղեկավար Արաֆաթի հետ հանդիպման նկրտող գերմանացիների հեղեղ»²³, 1979 թ. հուլիսին Յու. Մեյլեմանը (այն մարդը, ում վստահում է ԳՖՆ-ի արտաքին գործերի մինիստր Գենշերը), իսկ 1979 թ. օգոստոսին Նախկին կանցլեր ԳՄԴԿ-ի և Սոցիալիստական ինտերնացիոնալի Նախագահ Վ. Բրանդտը հանդիպում ունեցան Յ. Արաֆաթի հետ²⁴: ՊԱԿ-ի ղեկավարի հետ սրևմրտագերմանական երկու ազդեցիկ գործիչների զրույցների փաստն իսկ, անկախ այն բանից, թե ի՞նչ պատվակով դրանք տեղի ունեցան, բացահայտ դրսևորումն էր Բոննի՝ մերձավորարևելյան կարգավորման պրոցեսին, որպես քաղաքական ուժ մասնակցելու նկրտման, առանց սակայն իր վրա վերցնելու արաբա-իսրայելական բախման միջնորդ-պետության առաքելությունը: Ընդդիմադրությունը այդ հանդիպումները գնահատեց որպես շեղում Արևմուտքի ընդհանուր մոտեցումից՝ ՊԱԿ-ի հետ չնստել բանակցությունների սեղանին: Ընդդիմադրության ղեկավար Հ. Կոլը, քննադատելով պաղեստինյան հարցում ԳՖՆ-ի կառավարության դիրքորոշումը, նշեց, որ Իսրայելի հետ փոխհարաբերությունները հենց դրա հետևանքով են վատթարացել²⁵: ԳՖՆ-ում Իսրայելի դեսպան Մերոցը ֆեդերալ կառավարությունից պահանջեց պարզ ու հստակ սահմանազատվել Յ. Արաֆաթի հետ Բունդեստագի դեպուտատների հանդիպումներից: Սակայն կառավարությունը հրաժարվեց վերջիններիս գործողությունները դատապարտելուց²⁶:

ԳՖՆ-ի մերձավորարևելյան քաղաքականությունում նշմարվող «արաբասիրական» հակումը և նրա արտաքին-քաղաքական հայտաբարություններում այս ժամանակաշրջանում պաղեստինյան հարցի լուծման նշանակության շեշտավորումը մի կողմից հարկ է դիտել որպես արևմտյան առաջատար տերություններից մեկի Մերձավոր արևելքում քեմպդեկիդյան պրոցեսը փակուղուց դուրս բերելու փորձ, որը միաժամանակ իր վրա է վերցնում նույնիսկ պահպանողական վարչակարգ ունեցող արաբական երկրներում հակաարևմտյան տրամադրությունները սանձահարողի դերը: Մյուս կողմից ԳՖՆ-ը ջանում

էր զսպել արաբական աշխարհում բեռնացումը, որ կապված էր ճեղքումների և հակազդեցության ճակատի» գոյության հետ: Դրա հետ մեկտեղ ԳՖՇ-ը, կատարյալ իրապաշտությամբ վերաբերվելով 80-ական թթ. սկզբին Մերձավոր արևելքում ստեղծված իրավիճակին, Իսրայելի վրա ճնշում էր բանցնում մեկ ու միակ նպատակով. Բուլլ շալ, որ արաբական ազգային-ազատագրական ուժերի «ձախացման» խթանիչներից մեկը հանդիսացող Իսրայելը խոչընդոտի արաբական նավթ-արդյունաբերող երկրներից Արևմտյան Եվրոպա, այդ թվում ԳՖՇ հոսող նավթի անընդմեջ մատակարարումը: Դեպի զարգացած կապիտալիստական երկրներ ԳՖՇ-ի արտահանության կրճատումը արևմտագերմանական մոնոպոլիաներին մղեց ավելի լայնորեն ներթափանցելու արաբական շուկաները և դրա համար էլ պաղեստինցիների ինքնորոշման իրավունքի նկատմամբ ֆեդերալ կառավարության դրական վերաբերմունքը կարծես թե արաբական աշխարհ մտնելու «անցաթղթերից» մեկն էր:

Դրա հաստատումն էր 1981 թ. ապրիլի 30-ին կանցլեր Շմիդտի ելույթը, որի մեջ նա հայտարարեց. «Իսրայելցիները մի օր պետք է ընդունեն, որ պաղեստինցիներն իրավունք ունեն մտածելու իրենց ճակատագրի մասին, որը և պետք է ներկայացնեն: Ուրիշ ոչ ոք պետք չէ հաստատի դա, բացի իրենցից: Եվ եթե նրանք պետք է ստեղծեն սեփական պետություն կամ ցանկանան այդ, բոլոր դեպքերում որոշում են իրենք: Նրանք պետք է ունենան պետական ինքնուրույնության իրավունք: Բացի դրանից, նա նշեց, որ եթե ՊԱԿ-ը Արևմուտքում նախկինի նման, առանց տարբերություն դնելու նրա ներսի խմբավորումների միջև, դիտվելու է իբրև ահաբեկիչների կազմակերպություն, եթե այդպիսի վերաբերմունքը շարունակվելու է նաև այսուհետև, ապա դա լավագույն մեթոդն է ՊԱԿ-ին հանձնել Մոսկվայի գիրկը: Իսկ դա անխոհեմ է»²⁷: 1982 թ. Լիբանանի վրա իսրայելական արգեստան ԳՖՇ-ի կողմից պարզապես դատապարտվեց: Բռնադատագրում լուկ սակավաթիվ ձայներ բողոքեցին պաղեստինցիներին քաղաքականապես և ռազմականորեն ոչնչացնելու Իսրայելի մտադրության դեմ²⁸:

1982 թ. հոկտեմբերի 1-ին ԳՖՇ-ի կանցլեր դարձավ Հ. Կոլը (ՔԴՄ-ՔՍՄ) որը ԱԴԿ-ի հետ խմբակցության մեջ մտնելով կալմեց նոր կառավարությունը: Այս անգամ էլ արտաքին գործերի մինիստր դարձավ Հ. Դ. Գենշերը: Պաղեստինցիների ինքնորոշման իրավունքի հարցում ԳՖՇ-ի վերաբերմունքի փոփոխություն կրելու առաջին նա-

խանշաններն արդեն նկատվեցին նախքան նոր ընտրությունը: Այսպես, Դենշերը դեռևս 2. Շմիդտի կառավարության արտաքին գործերի մինիստր Լեդած ժամանակ, 1982 թ. հուլիսին դեպի Եգիպտոս և Հորդանան իր ուղևորությունից վերադարձին հայտարարեց, որ պաղեստինցիների ինքնորոշման իրավունքի կենսագործումը մեծ դժվարությունների հետ է կապված, և ԴՖՀ-ն ու ԵՏՄ-ի նրա ընկերակիցները այժմյան իրադրության մեջ «պետք է մտածեն պաղեստինցիների ինքնորոշման իրավունքի հարցում իրենց դիրքորոշումը ճշտորոշելու մասին»²⁹:

Կանցլեր Կուլի կառավարական հայտարարության մեջ պաղեստինցիների ինքնորոշման իրավունքը կասկածի տակ չդրվեց, սակայն ընդգծվեց, որ Պաղեստինի ժողովուրդն ինքը պետք է որոշի, թե ո՞վ պետք է իրեն ներկայացնի բանակցություններում, իսկ ՊԱԿ-ի նկատմամբ Ֆեդերալ կառավարության վերաբերմունքը մնում է նախկինը, այն կախում է ունենալու Իսրայելի նկատմամբ ՊԱԿ-ի վերաբերմունքից, ինչը որ պետք է պարզ ու հստակ արտահայտվի անվտանգ սահմաններում Իսրայելի գոյության իրավունքի ճանաչմամբ: Գենշերը գտնում էր, որ ՊԱԿ-ն այժմ գտնվում է պարզունացման ճանապարհին և հարկ է հուսալ, որ այդ ընթացքում հանգելու է Իսրայելի ճանաչմանը»³⁰:

1983 թ. մայիսի 4-ի իր կառավարական հայտարարության մեջ կանցլեր 2. Կուլը կարճառոտ բնութագրեց այն հիմնական սկզբունքները, որոնց հենվելով ֆեդերալ կառավարությունը մտադիր է վարել իր մերձավորարևելյան քաղաքականությունը: «Մեր մերձավորարևելյան քաղաքականությունը կողմնորոշված է Իսրայելի գոյության իրավունքին, պաղեստինցիների ինքնորոշման իրավունքին և բռնության գործադրումից փոխադարձաբար հրաժարվելուն»³¹:

Այսպիսով, կարելի է հավաստիորեն ասել, որ պաղեստինյան հարցը 80-ական թթ. ևս մնում է ԴՖՀ-ի մերձավորարևելյան քաղաքականության կարևոր մի տարրը:

ПАЛЕСТИНСКАЯ ПРОБЛЕМА В БЛИЖНЕВОСТОЧНОЙ ПОЛИТИКЕ ФРГ

Резюме

В ближневосточной политике ФРГ важное место занимает палестинская проблема. И именно в спектре отношения федерального правительства к палестинской проблеме раскрывается эволюция позиции ФРГ к ближневосточному конфликту, в частности, и ее ближневосточная политика вообще.

Признавая право палестинского народа на самоопределение ФРГ призывает ООП признать право Израиля на существование.

- 1 Е. Дмитриев, Палестинский узел. М., 1978. с. 288.
- 2 *Unruh* *unbekannt*;
- 3 Bulletin des Presse- und Informationsamtes der Bundesregierung, 13.12.1969, № 153, S. 1298; 26.04.1974, № 50, S. 492.
- 4 Bulletin, 23.05.1972 № 60, S. 582.
- 5 „Orient“, 1973, № 4, S. 179.
- 6 Bulletin, 19.04.1974, № 49, S. 473; 26.04.1974, № 50, S. 492.
- 7 A. Neustadt, Die deutsch-Israelische Beziehungen im Schatten der EG — Nahostpolitik, Frankfurt a. M., 1983, S. 281.
- 8 „Der Spiegel“, 7.10.1974, № 41, S. 151.
- 9 „Der Spiegel“, 23.12.1974, № 52, S. 18.
- 10 *الاهرام*, ١٤ نيسان ١٩٧٥.
- 11 „Le Figaro“, 3.02.1975.
- 12 „The Financial Times“, 14.02.1971.
- 13 *الاهرام*, ٢٦ آذار ١٩٧٦.
- 14 Bulletin, 2.04.1975, № 42, S. 405; 24.09.1975, № 116, S. 1155; 10.12.1976, № 132, S. 1262; 11.02.1977, № 12, S. 109.
- 15 „Die Zeit“, 28.11.1975.
- 16 H.—D. Genscher, Deutsche Außenpolitik, Bonn, 1977, S. 222.
- 17 Bulletin, 27.06.1978, № 69, S. 651.
- 18 Verhandlungen des Deutschen Bundestages, Bd. 104, Bonn, 1978, S. 4961.
- 19 „Dritte Welt“, Dokumentation, Bonn, 1979, S. 75.
- 20 Bulletin, 6.09.1979, № 102, S. 950.
- 21 Bulletin, 17.06.1980, № 71, S. 599.
- 22 „Das Wichtigste ist der Frieden“, Dokumentation des Verteidigungspolitischen Kongresses der FDP, Baden-Baden, 1980 S. 55.
- 23 „Die Welt“, 29.08.1979.
- 24 „Christian Science Monitor“, 15.08.1979.

- 25 Verhandlungen des Deutschen Bundestages, Bd. 118, Bonn, 1979 S. 1722—
—1723.
- 26 „Frankfurter Allgemeine Zeitung“, 10-07-1979; „Die Welt“, 13-07-1979.
- 27 Bulletin, 6.05-1981, № 40, S. 346.
- 28 Verhandlungen des Deutschen Bundestages, Bd. 121, Bonn, 1982, S. 6446.
- 29 „Frankfurter Allgemeine Zeitung“, 17-07-1982.
- 30 Bulletin, 11-11-1982, № 103, S. 935—936; 18-02-1983, № 20, S. 188; „Frank-
furter Allgemeine Zeitung“, 7-02-1983.
- 31 Verhandlungen des Deutschen Bundestages, Bd. 124, Bonn, 1983, S. 72.